



UNIVERSITÄTS-
BIBLIOTHEK
PADERBORN

Clypevs Theologiæ Thomisticæ

Continens Tractatus de attributis, de visione Beatifica, de scientia Dei, ac
de ejus voluntate, & Providentia

Gonet, Jean-Baptiste

Parisiis, 1669

Art. III. An essentia divina uniatur intellectibus beatorum per modum
speciei impressæ, & expressæ?

[urn:nbn:de:hbz:466:1-77232](#)

in visione beatifica, sufficit quod ex se, & ex sua natura, sit non solum intelligibilis, sed etiam intellecta hoc secundo modo; id est ex se habeat sufficientem actualitatem ad terminandam intellecti creatam, & visionem beatificam, posito quod illa detur, & quod intellectus creatus per lumen gloriae ad eam elevetur. Sicut ut persona divina possit ab aeterno supplere vices subsistentiae creatae, solum requiri quod habeat infinitam actualitatem in terminando, ratione cuius possit terminare quacumque naturam creatam, carentem propriâ subsistentiâ, supposito quod illa producatur, & ei coniungatur.

Ad tertiam probationem Minoris principalis, concessio Antecedente, neganda est Consequencia, & paritas. Ratio disparitatis est, quia licet substantia Angeli sit praesens ejus intellectui in actu primo, non solum praesentia physica, sed etiam intentionalis; non tamen est praesens intentionaliter in actu secundo: Deus autem est praesens intentionaliter & in esse intelligibili intellectui beatorum, non solum in actu primo, & per modum objecti motivi, sed etiam in actu secundo, & per modum objecti terminativi: unde licet substantia Angeli non possit gerere vices speciei expressae in cognitione sui, bene tamen essentia divina in intellectu beati.

55. Dices, Ideo Deus est praesens in actu secundo intentionaliter, & per modum objecti terminativi intellectui beatorum, quia est immaterialis: Sed Angelus etiam est immaterialis: Ergo ejus substantia est etiam praesens intentionaliter in actu secundo, proprio intellectui, & sic ratio disparitatis non tener.

Respondeo negando Majorem, nam essentia divina habet rationem objecti motivi, & terminativi in sui cognitione, & in visione beatifica, quae est aliqua divina cognitionis participatio, non praeceps ex eo quod sit immaterialis, sed ex eo quod sit actus purus, tam in ordine entitativo, quam intelligibili, sive quia est in supremo gradu immaterialitatis & actualitatis, ut antea declaravimus: unde exclusio materiae, cum inclusione potentialitatis, competens Angelo, solum infert quod possit habere rationem speciei impressae, & objecti motivi in cognitione sui; non tamen rationem speciei expressae, & termini intrinseci sua intellecti: ad hoc enim necessarium est, ut substantia Angeli esset suum esse, & suum intelligere; quod soli Deo competit, cum ipse solus sit actus purus, tam in ordine entitativo, quam intelligibili.

56. Objecies quintò: Amor beatificus producit terminum, qui dicitur impulsus, eti ad summum bonum clarè visum terminetur: Ergo etiam visio beatifica, quamvis terminetur ad essentiam divinam clarè cognitam, producit verbum, seu speciem expressam, illam representantem.

Respondeo concessio Antecedente, negando Consequentiā, & paritatem, propter duplē rationem discriminis. Prima est, quia impulsus qui est voluntatis terminus, non est ultima actualitas objecti amati, sed ponitur ut voluntatem complete & perfecte in objectum inclinet; & ideo quantumcumque perfectum sit objectum amatum, adhuc impulsus voluntatis admittitur: verbum autem ponitur ut ultima actualitas objecti intellecti, unde quando seipso objectum est in ultima actualitate, verbum non producitur. Secunda ratio disparitatis est, quia impulsus non

A petit esse ejusdem naturæ cum objecto dilecto; quia voluntas assimilativa non est, & ideo non repugnat impulsus productus erga summum bonum; verbum autem id postulat, & ideo in visione beatifica nullum verbum creatum dari potest.

Objecies ultimo: Quando D. Paulus vidit in raptu essentiam Dei, postea recordatus est mulorum que in illo raptu viderat: unde ipsemet dicit quod *audivit arcana verba, que non licet homini loqui*, 2. ad Corint. 12. Ergo in tali visione transire formavit aliquod verbum, divinam essentiam representans. Consequientia videntur manifesta, ea enim quorum recordamur, habent aliquam sui speciem in memoria relataam, & per cognitionem quâ primò cognita fuerunt, productam, & expressam: Ergo si D. Paulus recordabatur eorum qua viderat in raptu, tunc formavit aliquod verbum, seu aliquam speciem expressam, essentiam Dei, ejusque attributa representantem.

Respondet D. Thomas hic art. 9. ad 2. his verbis. *Ad secundum dicendum, quod aliqua potentia cognoscitiva sunt, que ex speciebus primi conceptus alias formare possunt: sicut imaginatio ex preconceptis speciebus montis & auri, format speciem montis aurei, & intellectus ex preconceptis speciebus generis & differentie formatrationem speciei; & similiter ex similitudine imaginis, formare possimus in nobis similitudinem eius cuius est imago. Et sic Paulus vel quicunque alius vident Deum, ex ipsa visione essentia divina potest formare in se similitudines rerum que in essentia divina videntur: quae remanebunt in Paulo, etiam postquam defit Dei essentiam videre. Ita tamen visio, quâ videntur res per hujusmodi species sic conceptas, est alia à visione, quâ videntur res in Deo. Quibus verbis clarè docet id quod mansit in memoria Pauli, post raptum in quo vidit divinam essentiam, non fuisse aliquam imaginem Dei in se (aliás semper vidisset Deum, & illum habuisset presentem in memoria, ratione talis speciei) sed fuisse representationem ipsius visionis, & aliquarum rerum quas in Deo vidit, quarum representationes formavit in proprio genere, & extra visionem beatificam. Sicut modo etiam beati tales representationes extra verbum formant, ut possint per locutionem spiritualem, cum aliis communicare de his quae in Deo vident, ut dicemus in materia de locutione Angelorum.*

ARTICULUS III.

An essentia divina uniatur intellectibus beatorum per modum speciei impressae, & expressae?

57. Artem negativam tenent non solum Aureolus, & Egidius à Præsentatione, qui speciem creatam in visione beatifica admittunt, sed etiam Vazquez, & Suarez, qui eam cum Thomistis negant; diverso tamen ducentur fundamento. Vazquez enim hic disp. 43. cap. 3. docet in visione beatifica nullum require concursum speciale objecti in ratione speciei, & ideo essentiam divinam ad illam solum concurrere per modum cause universalis, & eo tantum modo, quod ad alias cognitiones, & actiones creatas concurrit. Suarez vero tomo i. Summa Theol. lib. 2. cap. 12. admitit quidem, essentiam divinam

habere peculiarem concursum in ratione objecti cum intellectu creato, coëfficiendo cum illo claram Dei visionem; negat tamen illam uniri per modum speciei intelligibilis intellectui beato, quia existimat ad rationem prædictæ speciei, indispensabiliter desiderari inhærentiam, vel informationem, quæ divina essentia repugnat. Sententia tamen affirmativa, quæ docet divinam essentiam uniri intellectibus beatorum per modum speciei impressæ, & expressæ, & in visione beatifica, vices utriusque supplere, communis est in Schola D. Thomæ, eamque ex professo docet Sanctus Doctor locis statim à nobis referendis.

§. I.

Vera sententia stabilitur.

60. **D**ico primo: Essentiam divinam uniti per seipsum immediate intellectibus beatorum, in ratione speciei impressæ.

Probatur primo conclusio ex D. Thoma, cont. Gent. cap. 51, dicente: *Manifestum est quod essentia divina potest comparari ad intellectum creatum, ut species intelligibilis quod intelligit.* Et hic art. 5. sic habet: *Cum aliquis intellectus creatus videt Deum per essentiam, ipsa essentia divina sit forma intelligibilis intellectus.* Et 3. p. quest. 9. art. 3. ad 3. *Essentia divina* (inquit) *unitur menti beatae, sicut intelligibile intelligenti:* quod nihil clarius & expressius in favorem nostræ sententiae dici potest.

61. Probatur secundo conclusio, specialiter contra Vazquez: Ad visionem beatam requiritur species aliqua, quæ concurrat speciali modo ad ipsam: Sed non datur in illa species creata: Ergo essentia divina gerit vices speciei. Minor admittitur à Vazque, & constat ex suprà dictis contra Agidium à Presentatione. Major autem quā negat, probatur ex communi axiome Philosophorum, & Theologorum, docentem cum Augustino, quod ex objecto & potentia partitur notitia, quasi fœtus utriusque; ac proinde quod objectum ad illam specialiter debet concurrere, quandoquidem ipso potissimum assimilatur cognitionis, & illud habet quasi rationem viri in illa generatione spirituali. Et mirum est, quod Vazquez admittat species esse necessarias ad cognitionem sensuum, & intellectus nostri, & negat illas requiri in cognitione Angelorum, vel beatorum: nam necessitas specierum, non oritur præcisè ex imperfectione sensuum, vel intellectus nostri; sed ex communi ratione potentia cognoscitiva, quæ ad se trahit objectum, & assimilatur illi: unde etiam formalitas speciei salvatur in intellectu divino, ut ostendimus Tractatu præcedenti, & magis constabit ex infra dicendis contra Suarezem.

62. Confirmatur primo: Intellectus debet esse principium sufficiens productuum, & specificativum sua operationis: Sed non potest esse tale, nisi habeat in se objectum quod cum illo concurrat: Ergo objectum debet concurrere ad intellecionem. Probatur Minor: Intellectio, saltem ratione sui termini, & verbi, habet assimilari objecto: Sed non potest illi assimilari, nisi in se aliquo modo illud contineat: Ergo &c.

63. Confirmatur secundò: Objectum speciali modo concurrit ad actum voluntatis; nam voluntas secundum se est indeterminata, & debet ab ipso objecto determinari; vel per modum

Tom. I.

A causa efficientis, ut vult Caietanus; vel formalis extrinseca, aut finalis, ut alij Thomistæ docent: Ergo multò magis ad intellectionem concurrat objectum, cum sine ipso intellectus sit indeterminatus, & veluti tabula rasa; & preterea intellectio, in hoc à volitione distinguitur, quod habeat majorem similitudinem cum objecto, & trahat illud intra intellectum.

Probatur tertio conclusio, destruendo fundatum Suarum, ac demonstrando non esse de ratione speciei intelligibilis, quod inhæret intellectui, vel illum informet. Nam essentia divina, respectu intellectus divini, est vera species intelligibilis, & tamen illi non inhæret, nec illum informat. Item substantia Angeli, est species impressa, quâ seipsum intelligit, ut tenet communior Theologorum sententia; & tamen non inhæret, sed per se subsistit: Ergo inhærentia, vel informatio, non est de ratione speciei.

Confirmatur primò: Ratio & formalitas speciei, est perfectio simpliciter simplex: Ergo in sua ratione formalis non includit imperfectiōnem inhærentiam, vel informationis. Consequētia patet, perfectio enim simpliciter simplex, in sua ratione formalis nullam dicit imperfectiōnem. Antecedens vero probatur; tum quia species intelligibilis pertinet ad gradum intellectuum, qui est perfectio simpliciter simplex; tum etiam, quia ratio speciei reperitur formaliter in intellectu divino, ut Tractatu præcedenti ostendimus, & est certum de fide, saltem quantum ad speciem expressam: fides enim docet, secundam sanctissimam Trinitatis personam, procedere ut verbum, seu ut speciem, ab intellectu Patris expressam.

Confirmatur secundo ratione quam insinuat D. Thomas hīc art. 2. ad 3. Ideo forma naturalis, aut intelligibilis creata, petit naturaliter inhærentiam, & informationem, quia est aliquid accidens dependens à subiecto; vel quia est forma potentialis, requirens modum aliquem informationis, tanquam complementum, ad exercitium sui; vel denique quia est quid creatum, quod non potest esse identificatum cum illo esse quod dat subiecto, sed necessario debet esse quid distinctum ab illo: At nihil horum habet locum in Deo, & in essentia divina ut gerente vices speciei, illa enim est quid substantiale, actuallissimum, & continens totum esse quod potest communicari subiecto: Ergo non requirit informationem, aut inhærentiam. Unde egregie obseruat Caietanus hīc art. 2. quod speciei impressæ, tria per accidens, & tertidem per se competere possunt. Primum quod competit per accidens, est quod sit secundum suum esse naturale, substantia vel accidens: in Angelo enim respectu cognitionis sui est substantia, in nobis est accidens. Secundum, quod habeat esse naturale, vel intentionale: in Deo enim, & Angelo respectu cognitionis sui, habet primum, & in nobis secundum. Tertium per accidens est, quod sit idem in esse naturali cum potentia, vel ab ea distincta: in Deo enim est idem, in nobis est distincta. Primum autem quod per se competit speciei, est ut sit formalis similitudo sui objecti, & idem cum illo in esse intentionalis, & representativo. Secundum, ut gaudet tantâ immaterialitate, quantâ ipsum objectum. Et tertium, ut sit idem cum intellectu secundum esse intelligibile.

S. ij

67. Denique probatur conclusio, demonstrando essentia divinae convenire omnes conditions ad rationem speciei intelligibilis requiras. Tres enim conditions requiruntur, ut substantia aliqua per seipsum possit esse species intelligibilis alieni intellectus. Prima est, ut per suam essentiam sit actu intelligibilis: ob cujus defensione substantiae materiales (teste D. Thomae 2. contra Gent. cap. 98. circa finem) non possunt esse species intelligibiles, sed oportet quod per intentiones abstractas intelligantur. Secunda est, ut sit intellectus intime unita: ob cujus defensione, substantia unius Angeli non potest esse species intelligibilis intellectus alterius, ut ibidem docet idem S. Doctor. Tertia est, ut sit suum esse, ob cujus defensione, nulla substantia creata, quantumcumque esset intime conjuncta alieno intellectui secundum suam entitatem, posset esse species intelligibilis illius, teste eodem D. Thomae 3. contra Gent. cap. 51. Et ratio etiam id suadet: nulla enim substantia potest esse principium intelligendi alieno intellectui, nisi sit ipsa veritas, & intelligibilitas per essentiam, ac proinde nisi sit in supremo gradu intellectualitatis, & actualitatis; quod non potest habere, nisi sit suum esse per essentiam. Illae autem tres conditions, perfectissimè Deo convenient: Nam ut ait S. Thomas quodlibeto 7. quest. 1. art. 1. *Essentia divina, cum sit a materia separata, est per se actu intelligibilis.* Intellectus etiam praesens est, quia ut dicit Augustinus: *Deus unicuique rei est vicinus, quam ipsa res sibi.* Et præterea est suum esse, ut demonstrat S. Thomas supra quest. 3. art. 4. Ergo essentia divina habet omnias requiras, ut sit species intelligibilis intellectus creati.

68. Dico secundo: Divinam essentiam unitam intellectibus beatorum, aliquo modo habere rationem speciei expressæ, seu verbi: non tamen propriè, sed solum communiter & impropriè.

Prima pars hujus conclusionis patet, quia de ratione speciei expressæ, seu verbi, est esse intellectum in actu, & expressæ, ac in actu secundo representare objectum: Sed divina essentia se ipsum expressæ, & in actu secundo representat, ac unitur intellectui beato, ut intellectum in actu, per seipsum faciens intellectum in actu, inquit Sanctus Thomas hic art. 2. ad 3. Ergo essentia divina aliquo modo habet rationem verbi, seu speciei expressæ, in visione beata.

69. Secunda etiam pars ejusdem conclusionis colligitur ex eodem S. Doctore quest. 4. de verit. art. 2. ubi ait, *Verbum intellectus in nobis duo habet de sua ratione: scilicet quod est intellectum, et quod est ab alio expressum:* Ergo cum divina essentia, ab intellectu beato non sit expressa, nec terminus per illum productus; non habet propriè rationem verbi in ordine ad intellectum beatum.

70. Confirmatur: Quamvis in cognitione essentiiali, quia Deus se intelligit, essentia divina seipsum manifestet intellectui in creato; quia tamen non procedit ab illo, non habet propriè rationem verbi, & speciei expressæ respectu illius; ut docet idem Doctor Angelicus loco citato in resp. ad 1. & nos Traictatu precedentibus declaravimus. Ergo similiter, quamvis illa seipsum in actu secundo manifestet intellectui beatorum, & terminer intrinsecè eorum in-

A tellectionem; quia tamen ab illo non procedit, sicut Filius à Patre in generatione aeterna; non habet propriè rationem verbi, seu speciei expressæ, sicut secunda Sanctissima Trinitatis Persona.

§. II.

Solvuntur objectiones.

O Bjicies primò: D. Thomas quodlib. 7. quest. 1. art. 1. sicut habet: *Lumen gloriae facit hoc respectu divinae essentiae in intellectu, quod facit respectu aliorum intelligibilium, que non sunt lux tantum, species rei intellectus finalis est lumen: sicut si lux sensibilis per se existaret, ad eius visionem sufficeret lumen oculum percipientis.* Et in resp. ad 2. ait quod intellectus creatus fit actu ad videndum divinam essentiam, per lumen gloriae, & hoc sufficit: Ergo ex D. Thoma ad visionem beatificam sufficit concursus luminis gloriae, nec requiritur unio divinae essentiae, per modum speciei intelligibilis, cum intellectu beati.

Respondeo concessò Antecedente, negando Consequentiam. Nam D. Thomas ibi solum intendit attribuere soli lumini gloriae, officium actuandi intellectum per modum formæ, & principij ipsi inherenteris: cùm enim in aliis cognitionibus, necesse sit quod duplex principium

C inhereat potentia cognoscitiva; species scilicet, & lumen: in visione tamen beata, est unicum tantum principium inherenteris, scilicet lumen gloriarum. Unde quando ibi videtur excludere concursum speciei, non intendit negare concursum divinae essentiae in ratione speciei, sed tantum concursum speciei creatæ, & inherenteris intellectui beatorum, ut constat exemplo lucis sensibilis quod adducit. Sicut enim si lux corporea esset per se subsistens, videretur quidem absque concursu speciei distincta, & oculo inherenteris, quia seipsa visibilis est, gereret tamen vices speciei in visione sui. Ita etiam, quia divina essentia est ipsa lux invenientia, & per se subsistens in ordine intelligibili, non potest fieri intelligibilis per aliquid a se distinctum, nec per aliquam speciem creatam intellectui beatorum inherenterem, sed ipsa met debet concurre per modum speciei ad sui cognitionem.

Objicies secundò: Essentia divina non potest gerere vices causa formalis, ut communiter docent Theologi, ex quo inferunt illam non posse supplere vices luminis gloriae, ut infra dicemus: Sed species intelligibilis habet rationem causa formalis respectu intellectionis, cùm proprium ejus munus sit determinare intellectum, & tribuere speciei intellectioni, quæ duo ad genus causæ formalis spectant: Ergo essentia divina non potest uniri intellectibus beatorum, per modum speciei intelligibilis.

Confirmatur primò: De ratione speciei intelligibilis est, quod constitutus intellectum in actu primo ad intelligendum, quia intellectus secundum se est pura potentia in genere intelligibili, & veluti tabula rasa: unde ut fiat potens ad intelligendum, debet constitui in actu primo per speciem intelligibilem: Sed hoc nequit prestat sine inherentiæ, & informatione: Ergo de ratione speciei intelligibilis, est quod inhereat intellectui, vel ipsum informet.

Confirmatur secundò: Essentia Divina, cùm sit actus purus, nequit se habere per modum potentie, respectu visionis beatificæ: Ergo neque

71.

72.

73.

Disp. 3.
art. 2.

§. 1.

74.

DE POSSIBILITATE VISIONIS DEI.

141

poteſt conſtituere intellectum in actu primo, per ordinem ad illam; nam actu primus eſt in potentia ad actu secundum, & per illum perficitur.

75. Ad objectionem reſpondeo diſtinguendo Majorem: Eſſentia divina non poteſt gerere vices cauſe formalis, in eſſe naturali, & entitativo, concedo: in eſſe intentionalis, & intelligibili, nego. Similiter diſtinguo Minorem: ſpecies intelligibiliſ habet rationem cauſe formalis: in eſſe intentionalis, vel intelligibili, concedo. In eſſe naturali, & entitativo, ſemper, nego. Soluſio nis D. Thomae 3. cont. Gent. cap. 51. cujus verba inſtra referemus.

Explicatur: Multiplex intercedit diſcriben in ter formam naturaliem & intelligibilem, ex quo fit Deo repugnare rationem formae naturalis, & in eſſe entitativo, non vero rationem formae intelligibiliſ. Prima, & præcipua diſferentia, que eſt radix, & fundamentum aliarum, conſtituit in hoc, quod forma naturalis ſe tenet ex parte ſubjecti, tanquam virtus illud perficiens, & illi accommodatur: ſpecies vero, ſeu forma intelligibiliſ, ſe tenet ex parte objeſti, tanquam eius imago, & ſimilitudo formalis, illudque repræſentat. Ex quo oritur ſecunda diſferentia: nam forma naturalis limitatur, & contrahitur a ſubjecto in quo recipitur, & illi ſubordinatur, ac ab eo dependet: forma vero intelligibiliſ, ut talis eſt, nec ſubordinatur ſubjecto in quo recipitur, nec ab ipſo contrahitur, aut limitatur; ſed in eo retinet totam ſuam amplitudinem, & universalitatem, ideoque ſi objeſtum ſit infinitum, repræſentat infinitum, nec limitatur ab alio. Quod poteſt illuſtrari, & declarari exempli ſpecie naturam humanam repræſentantis: illa enim poteſt dupliſter conſiderari. Primo quatenus eſt aliquod accidens in eſſe entitativo receptum in ſubjecto, & ſub haec ratione eſt qualitas individualia per ſubjectum. Secundo in eſſe repræſentativo, & ſic nullum ſingulare determinatum repræſentat, ſed naturam ipſam ſecundum ſuam universalitatem, & ut abſtrahit a ſingularibus. Unde S. Thomas 1. parte quæſt. 50. art. 2. ad 2. dicit quod forma intelligibiliſ eſt in intellectu, ſecundum ipſam rationem formæ: id eſt (ut recte explicat Bannez ibidem) ſecundum totam amplitudinem, & universalitatem, qua ei in eſſe intelligibili competit.

Tertia diſferentia conſtituit in hoc quod forma naturalis ad hoc tendit, ut ex eius unione cum materia reſulteret unum tertium, ex quo fit, quod illa tanto aptior ſit, ut uniatur materiæ, quanto eſt minus completa; & ideo anima noſtra poteſt eſſe forma corporis, non autem ſubſtantia Angeli: forma vero intelligibiliſ non ordinatur ad componendum unum tertium, ſed tantum ut determinet, & perficiat intellectum ad intelligendum, quod tanto melius, & perfectius präſtat, quanto complerior, actualior, & immaterialior eſt. Unde ratio formæ totalis & complete, non repugnat formæ, & ſpeciei intelligibili, ſed maximè illi conuenit; cum illa debeat ſolū perficiere, & completere, non vero perfici, aut compleri.

Hanc diſferentiam & doctrinam egregiè ex pendit & illuſtrat D. Thomas 3. cont. Gent. cap. 51. ubi loquens de eſſentia divina, ſic ait: Nectamen poteſt eſſe forma alterius rei ſecundum eſſe naturale: ſequeretur enim, quod ſimiliter cum aliquo unita conſtitueret unam naturam, quod eſſe

Tom. I.

A non poteſt, cum eſſentia divina in ſe perfecta ſit in ſuā natura: ſpecies autem intelligibiliſ unica intellectui, non conſtituit aliquam naturam, ſed perficit ipſum ad intelligendum, quod perfeſſione eſſentiae divinae non repugnat. Quibus verbis, & docuit noſtrā ſententiam, & præcipuum adverſariorū fundamen tum evertit.

Dices: Eſſe intelligibile, & entitativum, non diſtinguntur virtualiter in Deo; alioquin con ceptus naturæ & eſſentiae virtualiter in eo diſferent, cuius oppofitum Tractatu präcedenti oſtentamus: Ergo repugnat, quod eſſentia divina uniatur intellectui beatorum, per modum formæ intelligibiliſ, niſi etiam illi uniatur, per modum formæ entitativæ, & naturalis.

76. Respondeo confeſſo Antecedente, negando Consequentiam: Licet enim in Deo natura, & eſſentia; viſ intelligendi, & ipſum intelligere; ſcientia ſimplis intelligentiæ, & visionis, virtualiter non diſtinguantur; quia tamen diſferunt per analogiam ad creaturas, & per ordinem ad diversa connotata materialia; natura humana per ſe primò unitur ſubſtantie Verbi Divini, & ſe cundario tantum natura divina. Item viſ intelligendi que eſt in Deo, participatur à lumine gloriæ, & actualiſ eius cognitionis, ſeu intellectio, à viſione beatifica. Denique ſcientia Dei, quatenus eſt ſimplis intelligentiæ, ſe extendit ſolū ad poſſibilia, & ut viſionis eſt, veretur circa eſſentia & futura. Ita ſimiliter, licet eſſe intelligibile, & entitativum, virtualiter non diſtinguantur in Deo, ſed ſolū diſtinzione rationis, petita ex habitu diſtine, & analogiā ad creaturas; hoc tamen non obſtar, quominus eſſentia divina uniiri poſſit intellectibus beatorum per modum formæ intelligibiliſ, abſque eo quod ibi miſceatur aliqua unio in eſſe naturali, & entitativo. De quo viſeri poſſunt Salmanticensiſ hīc diſp. 2. dubio 2.

77. Ad primam confirmationem, nego Minorem: Licet enim forma naturalis non poſſit conſtituire ſubjectum in actu, ſine informatione; forma tamen intelligibiliſ completere poteſt, & deter minare intellectum in actu primo ad intellectio nem, ſine inhærentia, vel informatione: ut con ſtat in ſubſtantia Angeli, gerente vices ſpeciei imprefſa in cognitione ſui.

Ad ſecundam confirmationem, confeſſo Antecedente, neganda eſt Consequentia. Eſti enim eſſentia divina conſtituat intellectum beatorum in actu primo, per modum formæ intelligibiliſ, modo explicato; non ſequitur tamen, illam eſſe in potentia ad viſionem beatificam, quia illam completer, & auctuat per modum auctū puriſſimi, & per ſe ſubſtantis, ac proinde ſeclusis imperfectionibus potentialitatis, inhærentiæ, & informationis. Quare ſolus intellectus, perfuſus lumine gloriæ, & compleetus per ipſam eſſentiam divinam, in ratione formæ intelligibiliſ illi uni tam, eſt in potentia ad viſionem beatificam, non autem ipſa eſſentia divina, gerens vicem ſpeciei, & formæ intelligibiliſ. Sicut licet personalitas Verbi Divini auctuet, compleat, & intrinſecē terminet humanam naturam: quia tamen eam terminat, per modum termini, & auctū puriſſimi, non eſt, nec fuit in potentia ad eliciendas, vel recipiendas actiones creatas illius; ſed tota potentialitas ſe tenet ex parte iphiſ ſuam humanitatis, affumpta, & à personalitate Verbi terminata.

Objicis tertio: Ex unione ſpeciei intelligibiliſ cum intellectu, deberaliquid per ſe unum reſultare: At ex unione eſſentiae divinae cum intel

ſ. iij

Diss. 4. art. 1. §. 2. lectu beati, nequit aliquid componi; cum Deus non possit venire in compositionem alterius, faltem per modum partis componentis, ut ostendimus Tractatu precedentem, agentes de simplicitate Dei: Ergo essentia divina non potest uniri intellectui beatorum, per modum speciei intelligibilis.

Confirmatur: Hæc unio essentiæ divinae per modum speciei cum intellectu beati, deberet fieri per aliquam novam actionem Dei: At nulla potest assignari nova Dei actio, que illa extrema inter se conjugat: Ergo nequit dari talis unio essentiæ divinae cum intellectu creato.

79. Ad objectionem in primis responderi potest cum Ferrarensi 3. contra Gent. cap. 51. distinguendo Majorem. Debet aliquid per se unum resultare, in esse naturali, & entitativo, nego. In esse intentionalis, & intelligibili, concedo. Eodem modo distinguenda est Minor: nam licet ex unione essentiæ divinae per modum speciei cum intellectu beato, non possit unum per se resultare in esse naturali, & entitativo; bene tamen in esse intentionalis, & intelligibili.

Respondeo secundo negando Majorem. Ut enim suprà ostendimus ex doctrina Aristotelis, & Commentatoris: ex intellectu, & intelligibili non resultat aliquid tertium, sed potius ipse intellectus transit in rem intellectam, & fit ipsum objectum in esse intentionalis, & intelligibili: *Animaenim* (inquit Aristoteles) *intelligendo fit omnia*. Unde in visione beatificæ, intellectus lumine gloria perfusus, & divinâ essentiâ ut specie intelligibili actuatus, & completus, fit deiformis, & veluti Deus in esse intelligibili. Quare tunc præfertim verificatur illud Propheta Psalm. 81. *Ego dixi Domini filii Excelsiorum, & completeri illud Christi Ioan. 17. Ego claritatem quam dedisti mihi, dedi eis, ut sint unum, sicut et nos unum sumus.*

80. Ad confirmationem dicendum, unionem essentiæ divinae per modum speciei intelligibilis cum intellectu beati, fieri per eandem actionem per quam infunditur lumen gloriae: nam actio qua attingit ultimam dispositionem ad aliquam formam, extenditur ad unionem ejus cum subiecto, ut docent Philosophi. Unde cum lumen gloriae se habeat per modum ultima dispositionis ad receptionem, seu quasi receptionem essentiæ divinae in ratione forma intelligibili, ut dicimus disputatione sequenti: consequens est, ut infusionis illius, sit etiam unitio ejusdem essentiæ per modum speciei cum intellectibus beatorum.

ARTICVLVS IV.

An essentia divina, unita intellectui Beatorum per modum speciei intelligibilis, activè concurrat ad claram Dei visionem?

§. I.

Sententia negans proponitur, & principia ejus fundamenta refuruntur.

81. Artem negantem tenent Bannez hic, & quidam alij, existimantes essentiam divinam in ratione speciei, intellectui beatorum unitam, non esse principium effectivum ut quo, sed tantum formale, respectu visionis beatificæ. Principium hujus sententiae fundamentum est, quia omnis species activè concurrens ad intellectuionem, sub-

A ordinatur intellectui; talis enim concursus, cum sit vitalis, subordinari debet potentiae vitali, & ab ea dependere: Sed divina essentia repugnat subordinari intellectui creato, & dependere ab illo: Ergo & activè concurrent ad visionem beatificam.

Præterea, Talis concursus activus, si daretur, non esset liber, sed necessarius, quia procederet ab ipsa divina essentia immediate, & non à voluntate, vel à potentia executiva: Sed nullus potest dari concursus Dei ad extra, qui non sit liber: Ergo &c.

Addunt alij, quod relations in divinis non sunt activæ ad extra, ut communiter docent Theologi: Sed illæ uniuersitatem intellectui beatorum, per modum objecti motivi, & speciei intelligibilis: Ergo influere activè ad intellectuionem, non est de ratione speciei. Quod confirmant ex communi sententia Thomistarum, qui docent substantiam Angeli gerere vices speciei impressæ in sui cognitione, & tamen illa non potest activè influere in talem operationem: cum nulla detur substantia creata, qua sit immediate operativa, ut docet D. Thomas infra qu. 54. ar. 3.

§. II.

Sententia affirmans, ut verior & probabilior eligitur.

*C*lico breviter, essentiam divinam, ut unitam intellectui beatorum per modum speciei intelligibilis, activè influere in sui visionem. Ita communiter docent Thomistæ, quos referunt, & sequuntur Salmanticenses hic disput. 2. du-

82. Probatum primò conclusio: Illud quod ultimò determinat, actuatur, & compleat intellectum creatum ad claram Dei visionem, ad illam activè concurrit: Sed essentia divina, per modum speciei intelligibilis intellectui beatorum unita, ultimò illum determinat, actuatur, & compleat ad claram sui visionem: Ergo activè in illam influit.

D Major constat, complementum enim virtutis activæ, ad lineam virtutis activæ pertinere debet, & esse principium activum, saltem ut quo. Minor verò probatur: quia intellectus illustratus, & perfusus lumine gloriae, non intelligitur esse ultimò completus, & determinatus ad claram Dei visionem, donec intelligatur essentia divina, unita intellectui in ratione speciei intelligibilis. Ut enim suprà ostendimus, & docent Philofophi in libris de anima, ad quancumque intellectuionem, duplex requiritur complementum, ac determinatio: una ex parte potentia, qua fit per lumen intellectuale: altera ex parte objecti, qua procedit à specie intelligibili ejus vices gerente: quia intellectus fit per assimilationem, & unionem potentiarum cum objecto.

83. Probatur secundo: Visio beata, non solum specificatur à lumine gloriae, sed etiam ab essentia divina, in ratione speciei intelligibilis unita: Atqui actio specificatur à forma, & virtute qua est principium effectivum illius, v. g. calcatio à calore, illuminatio à luce: Ergo non tantum lumen gloriae, sed etiam essentia divina, intellectui beatorum per modum speciei unita, activè influit in visionem beatificam.

Tertiò suaderet conclusio: Essentia divina, ut unita intellectui beatorum per modum speciei, debet attribui quidquid est de ratione speciei intelligibilis ut sic, dummodo nullam includat